

n Körte soamenvatten van t veurege.

Fred het eerappels bie boer Klaassens stolen, mit de bedoulen doar jenever/foezel van te moaken. De zak mit eerappels staat in de koamer. Kist dat nait open en bloot in d'koamer loaten stoan, zeker nait as Willem Koegel der over tou komt.

Daarde òflevern

Wat je zain

Willem: *kikt deur d'roete
noar binnen*

Fred: *gehoast*

vlogt bie toavel vot

vlogt deur de zieddeure noar boeten

Doetje: *pakt Zusje bie
d'schobbejakken en zet heur
op de zitjak hìn*

Willem: *stapt deur d'zieddeure
noar binnen*

*kikt wat om zok tou en
zegt verboasd*

Zusje: *wist op d'zieddeure*

Doetje: *bedudt geaargerd dat ze
zok stiel holden mout*

Willem:

*kikt weer om zok tou
pakt mit n vies gezichte n eerappel
oet t wasblikje
kikt onder toavel*

Zusje: *enthousiast swaaiend
mit n groot mes in d'handen*

Willem: *bliede
strikt heur over t hoar
knuvvelt mit Zusje en lopt den weer
noar toavel tou (dut de neuze omhoog)
en lopt weer terogge noar Zusje
en lopt den weer kopschuddend
noar toavel*

Wat je heuren

Nou moust es noagoan, ast over de duvel hest, den trapst hom
op t steert

Noa gusteroavend kin ik hom beter even nait onder ogen
kommen

Goiendag lu.

Ik mainde toch wizze dat ik net deur d'roetje hìn Fred
Buurman zitten zag.

Hai is

Fred? Hier het nooit n Fred aan toavel zeten. Zo woar as dat ik
Doetje Klaain hait. Mor ik wait wel hou dat komt, dast die
verkeken hest. Dat komt deur dij gleerderege roetjes. Ik zeg zo
voak tegen mien hoesholdster dat ze de boudel hier n beetje
schier holden mout. Mor t personeel van tegenswoordeg is
ook nait meer wat t west is.

O, dien personeel

En woar hest dien zuster zo snel noar tou brocht.

Volgens mie zat ze hier net aan toavel eerappels te schillen

Joehoe, meneer de plietsieman, ik zit hier.

Ach moi, mien laiverd. Het dien boas die hier stald.

Zol ik die even n lekker doetje doun?

Hé, Doetje, t vaalt mie op, dat t in dij hörn van de koamer toch
wel hail apaart rokt.

Wat je zain

Doetje: *staat op en lopt snel noar
Zusje en moakt n geboar of e
heur n klap verkopen wil*

Zusje: *lopt schraaiwend, nog aaltied
mit t mes in handen, noar de
zieddeure en gaat van toneel*

Willem:

Doetje: *verontschuldegende geboaren*

Willem:

gaait stoan en lopt deur d'koamer

Doetje:

Willem:

Doetje: *kraabt zok op d'kop*

Willem: *fluusternd
gaait rechtop zitten*

Doetje:

Willem:

Doetje:

Willem: *zucht, wacht even en
zegt den snel*

Doetje:

Willem:

Doetje:

Willem:

Doetje:

Willem:

Doetje:

Willem:

Wat je heuren

Doe olde viespeuk. Hest die vanmörge zeker weer nait wosken. Komt d'plietsie hier op veziede en t eerste wat hom opvaalt, dat t hier zo roekt. Moust die schoamen. En volgens mie hest dien hoar ook nog nait kamd. Hup, noar de keuken en verzörg die es wat beter.

Doetje! Doe moust n beetje vezichies mit dien zuster omgoan. Ach, ik wait t ook wel, Willem. Zai kin t ook ja nait helpen, mor of en tou lopt mie de boudel hier in hoes wel es over de schounen hin. Ast ook d'haile doagen hier waarkloos in hoes zitten moust, den lopt die t gemoud wel es vol.

Ik begriep die best Doetje, mor doar huifst dien zuster toch nait onder te loaten lieden. Zai is ja zo'n goudbloud. Moust heur wel n beetje ontzain, heur

Magst zeggen wast wilt en toch stinkt t hier in hoes. En t is n hail aandere roek as dij bie dien zuster paast.

O??? En hou waiten ie zo goud hoe mien zuster roekt. Binnen ie hier meschain spesioal veur heur kommen?

Neeeee, zeker nait. Ik bin hier in dainst, in mien funksie as plietsie. Ik, Willem Koegel, opsporingsambtenoar in dainst van de ministerie van justietsie, op zuik noar misdoad en daifstal en aaltied op t stee woar de misdoaden zok voltrekken. Doar stoa ik wel even van te kieken, Willem. Misdoaden? Hier op ons dörp? Woar hest t aiglieks over.

Dat zol ik die es even hoarfijn oet de douken doun.

Gusteroavond is der bie boer Klaassens

Ie mainen Jan Klaassens?

Onderbreek mie toch nait aal, dammeet bin ik de droad weer kwiet. Gusteroavond

Joa, dat hebben we al had.

Der binnen eerappels stolen bie Jan Klaassens van t laand of. Dat kist nait mainen. Dat ter mïnsen binnen dij zo gemain binnen.

Och, mien jong, den kist doe de mïnsen nait.

Enne hebben ie ook bepoalde verdachten. Binnen der personen dij je spesioal in joen funksie as opsporingsambtenoar in de goaten holden mouten?

Nee, ik heb gain spier idee. Doarom stoa ik hier nou ook op dele. Doe hest hier regelmoateg Jan en alleman over de vlouer en doe heurst vervast wel t ain of aander op zokse mementen. Mit aander woorden. Ik mout dainst doun as n soort verklikker.

Nee, jong, zo moust t ook weer nait bekiesen. t Is meer n soort ekstroa ondersteunen van d'plietsie. Snapst?

Nee, nait echt. Kin ik joe traauwens nog wat aanbaiden? n Borrel? Of n kop kovvie?

n Borrel liekt mie wel wat.

Wat je zain

Doetje:

Willem:

Doetje: *ropt haard*

Willem:

Doetje: *geaargerd*

lopt noar d'keuken

*in de keuken klinkt n hail boel
lewaai van valende pannen*

Willem:

*lopt noar de zitzak mit eerappels
en tilt t loaken omhoog
begunt den te lagen en
prat tegen t publiek*

fluustert zachies

Doetje: *komt weer binnen*

Willem: *kikt in t kopke, trekt n vies
gezichte en kikt den op zien allozie*

lopt noar de deure

Doetje:

Willem:

gaait vot

Doetje: *stoart mit grote ogen noar
de deure en kraabt zok es wat op
t achterheufd.*

Fred: *stekt de kop om deure*

Doetje:

Wat je heuren

Dij heb ik nait. Gain fozzel en ..ook gain foezel. n Kop kovvie den mor?

As n soortement bakkie troost?

Zusje, n kop kovvie veur Willem. En rap n beetje.

t Is wel haile stil in de keuken. Zai zol zok zulf toch niks aandoan hebben mit dat grote slagersmes.

Zolst denken? Man, man, man, kist toch ook niks aan heur overloaten. Mout ik t nou aal zulf doun?

Hé, doe looi swien, kin ik nou hailemoal niks aan die overloaten?

t Is hier toch ook n hoesholden van Jan Stain. Niks op orde en

Ha, net wa'k docht. t Gestolen woar.

Mor ik loat ze mooi in de woan. Zai maggen van mie dizze eerappels wel holden. Wat ze bevubbeld nait waiten, is, dat t febriekseerappels binnen. Dus wat ze der ook mit doun willen, ze zollen der waineg plezaaier aan beleven. As ze t opeten goan, den wachten heur swoare buukkrampen en as ...

As Doetje en doar verdenk ik hom en zien kammeroad Fred van, as ze der jenever van moaken willen, den binnen ze nog lang nait joareg.

Zo, Willem, n lekker kop kovvie veur die. Dat hest doe wel verdaind.

Ist al zo loat? Mor den mout ik moaken da'k vot kom. De kovvie drink ik de volgende keer wel op

Dou dien zuster de grouten van mie en wees n beetje vezichies mit heur, hè.

Joa, joa.

O, dat wol ik die nog even vertellen. Hest ja n nije koare in toene stoan. Wees der zuneg op en baarg hom goud op. t Is noamelek roofoand

Dij Willem het net de bungel in t hounderhok gooid. Dij het volgens mie veul meer deur as dat e zegt. Ik geleuf der niks van dat e zo mor even binnenvalen is, nee, doar stekt meer achter. Mor wat?

Is de vogel vlogen?

Ast Willem Koegel bedoulst. Joa, dij is vot. Mor hai het mie, het ons, mit n haileboel vragtaikens zitten loaten.

t Is n ploug van honger en dörst bie Doetje Klaain. Dat hebben je vast wel markt. Nou is Doetje nait aine, dij bie de pakken dele zitten gaait. Hai het al weer grote plannen oetdocht. Zien porremonnee is noamelk van siepeltjeleer en doar mout snel veraandern in kommen. Hou e dat aanpakt? Dat lezen ie n volgende keer.